

OMAGOJA TAA IZIPAGELE OJANA.

Ejeletumbulo ndika ljaakulu jonale nando ohali tumbulua oluindji pagumue: Egoja tali izipagele okana, otali tsu uo naua ngele tali tumbulua ngeji pajendji.

Ejeletumbulo ndika inali etua po osima muka, aue; opu naavali ja ninga ngeji: Oja ndanda ojana komitse, ong' omuntu ta ndanda oosipa nošitendo, te zi ndandele kemanja.—O, ezosili tua nzo? Ošo naa naa.

Ngašingeji pua piti oomvula 78 uujelele uašili šo ua šile mOuambo jetu. No nena pu nongundu onenenene jooitaali mOuambo muka, ngaši no palue uo. Ihe nando ku nongundu onene ngeji jaakriste, aana naaakuluntu; nomapipi nomapipi ga no ngekua mooskola zuukriste, nošo taga no ngekua sigo onena. Ihe uukriste uouene otaši iholola naua kutja inau goma natango maantu, ou li mo ua jula: Uukriste inauu ninga uo moomueño, ihe ouo uo pamikalo natango. Ošike ano taši imbi uukriste u ninge uo moomuenjo miilongo jetu? Pulakena: Uujelele kau nekuatašano nomilema, nomilema ihazi hangana nuujelele nandokuli.

Omuntu oto mü tala tuu a f'omukriste šili, ihe meni lje muule ohamu itumbu mo ša, šoka taši mü holola kutja, okua zigiginina nga natango uupaganinima, nando uaa nošilonga pehupišo ljomuntu. Uupaganinima mbuka ouo tuu iitendo aavali taa u ndandiša nauo ojana.

Mooskola aanona taa nongekua naua, no taa tsejišilua naua kutja: „Omikalo ažihe zuupagani omiuinaji aakuluntu ja za nazo muupagani nenge je li nazo sigo onena muupagani, ozo tu noku zi eša šili, opo uujelele mbuka uašili u guane mutse.” Naanona ohaa zimine šili nehala.

Ihe šaa tuu aanona nenge aagundjuka je ja komagumbo, nena aakuluntu taa kuša iitendomikalo zošipagani, taa ndanda mo šoka ša kunua maanongekua; ša li ši noku tunga ando maanona uupe uo muuntu uauo, noku longekizila maanona eha ljoopala, uukriste u uape oku ka kala u nomuenjo mujo. Ošo tuu šika taši keelele uukriste u kale u nomuenjo miiguana jetu sigo o

mpaka. Omotu omikalo tuu nzika omiuiinaji zuupagani aakuluntu taa zi ziginine sigo onena, aanona omoluazo taa nengua oku mona elunduluko epe muuntu; nošo tuu uukriste u nomueño ituu mono ompito oku ka kala mujo.

Sigo onena aavali ojendji mokuuaši ša otaa jemata ko, ana jauo šo taa koko, nenge šo ja koko muuinaji. Nojendji jo maakuluntu onaa ti: „Oua lingua ano ngiini?” Nene: „Ohamu lingua ano šike?” Ošo ngeji aavali haa gandja uusama kelongo no kaarongi jaljo: nando ojo jene haje li ndanda mo mojana esiku kehe, nenge omuezi kehe, nokuli kehe omümvo. Nokuli oje ndji jo maavali oja nanula mo ojana moomueño guogueneguenene, ošoka omolu oku kala tuu nkuka, sigo onena otatu mono omapipi nomapipi nkene ga nengua oku mona uukriste u nomueño. Nojendji ja nengana šili okupukululua sigo onena. Noojakuauo ja si, inaa ja mona evalu lulo, nando ja li pulio; no ja ningi aana jekano. No ku nojendji sigo ongašingeji taa ti: „Tse ošo tua aza kootate noomeme. Anono ošikuašike šono je ši aza ando? Ha omikalo noohezi zuupagani nani. Ošoka kas je ši ue ša šilue šaa ši šuupagani; ngele ha uukriste taji itangele. No ngele ano mbjoka taje ji itangele ojo muupagani, oje ji tseja ando peni, ando aakuluntu jauo ja li je ji eša.

Onke ano aavali amuhe omu nokuzimbulukua šili kutja: Šaa tuu tamu ziginine natango nando okamükalo kamuekamue komomikalo omiuiinaji zuupagani, nando u ka tale ka fa okašonašona; oko tuu hoka ka fokatago nenge okatendo, hoka to ndanda mo nako oomuenjo zaamuoje momuenjo gualuhe. Onke opo ejeletumbulo ndika: „Egoja tali izipagele ojana,” ljaatse no mu ngoje, laleka šili uupaganimikalo mboška ue u tala nale ua fa uaa nošilonga oku jonagula aamuoje, ihe u faalele aana jaavali ojendji meso ljaaluhe. Noomueño nzika otazi ka pulua mungoje.

No ngele aakuluntu itaa laleke šili oku kala akuhe kuukulu uupagani kua tja ngeji, otaa nengua uo jojene sigo aluhe oku mona uukriste u nomueño. Nošo uo šaa tuu aavali itaa eša okundanda mo maanona uupe muukulu uauo, uupe mbuno tau

kun-ia kehe omũmvo ngeji, nena oma-
pipi ge li po ngašingeji, naa ngoka ta-
ga landula, ntaga nengua šili oku ka
mona ukriste u nomueño.

Nane uo aanona naagundjuka atuheni
tu ši tsejeni uc kutja: Omikalo azihezihe
zuupagani omiunaji inaazi tsa kumue nuu-
kriste no nelongo hatu li lo gua momano-
ngelo getu, nando nazi ka'e tatu zi lombue-
lua kaakuluntu jetu, ozo omutumua guokus-
tiza po ejambeko ljomokukalamueño kues-
tu akuhe, nozo tazi tu nunge komueño
guaaluhe. Onke ino zi landula ue.

Aavali naakuluntu jetu amuhe zimbu-
lukueni aluhe kutja: Aanona kaje ši jeni
jene, ngaši hamu ti. Omue ja peua omaga-
no ku Muene guauo; noje ta geele kche
ngoka te ja pukiša mo meitalo ljašili.

Leša Mark. 9: 42.

S. J. Škongo.

UUVU UEPULUA

Otse otu li mokakololo kamue ezina
ljako Kleinzee. Oko okalongo okašona ke
li komunkulo guafuta lja Atland, ka gama
kuuningino ua Springbok, handijaka jo-
mũlonga gua Oranje. Ano mokuja kuetu
mokalongo nkoka otua tameke iilonga je-
tu momuezi Januare natua longo oomue-
zi 3 nuupu. Momuezi guetu omũtine mo-
kati ketu omua holoka uuvu uzigu uepu-
lua.

Ano epulua ndjoka olja tameke momue-
zi April 1948. Epulua lja gee šili pešimbo
ndjo, iilonga inatu longu ue, konjala aantu
ajehe ja lala mošipangelo. Nokuli meti 18
April mošipangelo šetu mua lala aalumentu
32, eti 5 Mai oja lala 45. Uuvu ua geja šili.

Ano mu April tuu moka mokati ka-
vu jetu omua kuša aamati jaali, omasiku
ga landulašara; ja si pešimbo limue. Tua
kuatua kuumbanda šili pešimbo ndjo. Na
išeue mu Mai aam ti jaali najo uo omasi-
ku oga landulašara ja si. lihuna juala
na meti 10 Junie gumue a si išeue. Oc,
aantu ajehe jomokalongo nkoka ja ta-
meke uo okutila nokušolola. Natse
tua zilazila, otatu si nani atuhe ku-
vu mbu, ošoka oua li ouala mutse aauambo,

nando otua li mo nomihoko zaakuankala
naakamboji noombasitera. Ihe omutse oua
la u li.

Otua tameke ihe oku'uga pombanda
noku'igiza kOmũua momagalikano getu a-
tuhe sigo Kalunga omũuvi nomũkuazi e tu
kuša mo muuvu ua tja ngaka. Ps. 50: 15.

Ihe moonakusa mboka jetu omua li mu
na gumue ngo a li ine tu nikiša nando
oluhozi. Pešimbo tuu ndjoka a li pokoto-
poka nuujuni mbuka, oje okue tu šana
tse mboka hatu longo mošipangelo, poka-
ti kuusiku, manga tua li tua koša po. O-
kua ti: „Ongame onda kala omũpagani, ihe
ngašingeji Ombe, o ja Kalunga je ja ku
ngame. Nokuli pungame opua šikama aalu-
mentu jaali. Gumue e na olamba meke
lje. Oje a ti kungame, nandi mu landule
ngašingeji. Onke onda hala mu galikanene
ndje ndi je nombili.” Šo tu uuvu nžoka,
otua haluka notua muena, tua limbililua
šoka tu mu ši, oje omupagani. Nke nata-
ngo okue ši popi lutijali, nokua ti išeue:
„Inamu nika oluhozi, omumati omukueni
ngele ta zi po pune, njanjukueni.” Otua
tameke ihe oku' mu galikanena. Šo tua
mana, okua ti: „Jaloo ndangi, iŕdeni mu ka
lale nduno.” Ano opua piti oominate nta-
no ouala, omumati nokua si.

Mokati ketu uo aakriste omua holoka
epulua. Uuvu mbu ua kunua komutondi
ngašingeji mbo u li po tau li notau mana
po aakriste ajehe momagongalo getu, ihe
uunene mutse aagundjuka.

Omũkuetu, kotoka pešimbo ljongaši-
ngeji, aangala uuvu uomũtondi. Tonata,
galikana manga u nešimbo.

M. Lenga Abraham.
Kleinzee.

OONKUNDANA.

J. N a k a t u m b e mu Luderitzbay ota
hokolola enjanju ljauo sho ja talelua po
kaakuluntu joshilongo kokutja komũsama-
ne Paul ja Elifas nokomũsamane guEpale
nokomũsamane Nakale. Oje a hala okupu-
kulula isheue aagundjuka ja kale taa hakana

elongo nooskola manga omitsa inazi kukuta. Josef Timoteus na Windhoek oku noshimpuiju taa kose Omüua nge te ja.

Paulus Nekola kOkalongo oku uoshimpuiju omolu aamat aagundiuka mboka ji išasiša Kuušimba omolu ezi a epe, ihe inaji ilikolele elongo lja sha no sho ja galukile koshilongo otaa shuna muu pagani ouala oshoka itaa tseja Kalunga.

Filippus Hititikeko kOmafo te tu kumagiza tu kale aagalikani ja shili.

E. H. Shituna ko Halusu te tu lom bucle tu kalele Omüua Kalunga muunjasa sha uetu ngashi elenga tali kalele ohamba je.

Petrus Simon kOshigambo ota njasa njukilua omaganohenda e ge etelua koshifo shika Omükuetu sho te shi lesa no te tu kumagiza tu kale kocmpazi za Jesus ngashi omükiintu megumbo ljomüfarisaji.

M. Hamukua ja kuWalvisbay oku negalikano: Omuene fia nge ohenda esi hai njengua kounjuni. Onda hala ndi imbile eimbilo lehafo ndele elaka la anjena.

Kala to galikana uaa nezimbuko, onguka a shiti omakutsi oje ote ku pulakene no te ku jamukulile esimbo lje nge lja šikana.

Augustinus Jakob kOrange mund a hala atuhe tu kale nokuhambelela Omüua omolu iilongankondo je mokati ketu. Kalunga ketu a guana shili okuhambelelela kutse.

IJIMATI IJKOLIŠA

Aantu jaali ja zipagua mu Upington momuezi Juni ošivike ša hugunina šomuezi.

Ano oja li ookume nokuli, oja li ha nuine pamue. Esiku ndija omükuauo a tsuaa nombele uusiku. Oje okanona okašona, ke noomvula 15. Okume ke okua ljatua uo košihauto mošivike tuu šoka. Oja sile omolu iikoliša tuu. Andi ti: Kotoka, eso lje ku tegelela kehe okašimbo. Ino zipagambua Kalunga.

Iikoliša jomüvinu ji li muka ojindji noonkondo. Aantu taa kolua, taa zipagašana. Hano zimbulukueni oku tu indilija Omüua

Kalunga e tu tumine Ombepe juujelele. Omükuetu, zimbulukua aajuda nkene jomeke okuhinda Kalunga noje okue jope ši šike piilonga jao. Ano kotoka iilonganga iuinaji, ešeni iikoliša.

Malakia Ningeni.

OMAMBO GE JA košora jomambo jokOniipa.

Afrika juuningin omutenja. Embo euanaua tali hokolola ehistori ljaas uambo, aakuanilua jao jonale, omikalo zaakulu noshilonga shetumo nkene she ende mOuambo. Ikongela embo ndika lja njolua komušamane Amütse no tali pula iišilinga iine nosispeniša (4/6).

Omahepa ululo omĖtestamenti Likulu no Lipe gomosikuanjama ga holoka notaga pula iišilinga iijaali nosispeniša (2/6).

November 1949

- 1 D Mt 10: 16- 23; Aamos 9: 7- 15
- 2 W Mk. 9; 31- 35; Hebr. 1: 1- 4
- 3 Do 1 Kor 1: 10- 17; Hebr 2; 5- 10
- 4 V Mt 10 24 - 33; Hebr 2 11- 18
- 5 S Sa Room. 11; 13- 24, Hebr. 4: 1- 13
Ehol 7: 13- 17 Mt 5: 13- 16, 5 Moos. 34 1- 6
- 6 S **Esiku ljaajapuki**
- 7 M Jer. 17 5- 10 Hebr 5 1-10
- 8 D 2 Kor 6. 14- 18, 7: 1, Hebr. 7 18- 28
- 9 W Lk 6 48- 49, Hebr. 9 11- 15
- 10 Do Room 1 11- 17, Hebr 10 19- 31
- 11 V Jer. 20 7- 11, Hebr 10 32- 39
- 12 Sa 1 Kor 8 11- 23, Jes 54 11- 17, Hebr 11 1- 7
Room. 11 13- 24, Mt 18 15- 23, 2 Sam 19 18- 23
- 13 S **Os 22 ja landula Uuŭuatatu**
- 14 M Mt 24 1- 14, Hebr 11 23-31
- 15 D Mt 24 15- 28, Hebr 11 32- 40
- 16 W Ps 130, Hebr 12 1- 11
- 17 Do Ehol. 2 1- 7, Hebr 12 12- 17
- 18 V 1 Petr. 4 12- 19, Hebr 12 18- 29
- 19 Sa Mt 24 43- 51, Hebr 13 1- 6
1 Kor 15 22- 28, Joh 5 22- 29, Dan 12 1- 4
- 20 S **Os jepangulo**
- 21 M 1 Tess. 5 1- 10, Hebr 13 15- 25
- 22 D Hebr 12 12- 17, Room 8 1- 11
- 23 W Mk 13 32 -37 Room 8 12- 17
- 24 Do Kol 4 2- 6, Room 8 18- 23
- 25 V Lk 13 22- 30, Room 8: 24- 30
- 26 Sa Mt 11 16- 24, Room 8 31- 39
Hebr 8 8 12, Lk 4 16- 22, Ps. 100
- 27 S **Os 1 jomu Adventi**
- 28 M 2 Kor 1 18- 24, Ps 92
- 29 D Miike 2 1, 2, 9- 18, Ps 18
- 30 W Kol 3 13- 17, Ps 85